



Broj: 01-174/22
Vareš, 28.07. 2022. godine

Na temelju člana 67. Zakona o proračunima - budžetima u Federaciji BiH ("Službene novine F BiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19.) i člana 4. stav 3. i člana 7. stav 3. Zakona o dugu, zaduživanju u Federaciji Bosne i Hercegovine ("Službene novine Federacije BiH", 86/07, 24/09, 45/10 i 30/16.), člana 13. Zakona o principima lokalne samouprave u Federaciji Bosne i Hercegovine", broj 49/06 i 51/09) i člana 22. stav 8 Statuta općine Vareš - prečišćeni tekst, broj 01-162/12. od 11.09.2012. godine, Općinsko vijeće Vareš na 18. sjednici održanoj dana 28.07.2022. godine, d o n o s i:

ODLUKU

o davanju saglasnosti za kreditno zaduženje Općine Vareš

Član 1.

Ovom Odlukom Općinsko vijeće Vareš daje saglasnost na kreditno zaduženje Općine Vareš u iznosu od 500.000,00 KM (slovima: petstotina hiljada konvertibilnih maraka)

Član 2.

Kreditna sredstva iz člana 1. ove Odluke koristit će se kako bi se izmirio dug Općine Vareš za zaostale neizmirene obaveze za plaće prema zaposlenicima Općine, zaposlenicima JU Centar za socijalni rad Vareš, zaposlenicima JPU Dječije obdanište Vareš i zaposlenicima JU Centar za kulturu i edukaciju Vareš. Ostatak sredstava će biti upotrijebljen za izmirenje dijela duga Općine Vareš za neisplaćene naknade za vijećničke paušale prema vijećnicima Općinskog vijeća.

Član 3.

Uvjeti pod kojim će Općina Vareš sklopiti Ugovor o kreditnom zaduženju su:

- maksimalan iznos kredita od 500.000,00 KM,
- rok otplate 4 (četiri) godine,
- kamatna stopa (fiksna) do 4,8 % (eskontna) do 4,89% na godišnjem nivou,
- troškovi obrade kredita do 0,50%,
- način otplate: jednaki anuiteti,
- osiguranje kredita: mjenice Općine.
- maksimalni troškovi kredita (godišnje) do 138.300,00 KM.

Član 4.

Otplata kredita (glavnice i kamate) će se vršiti iz Proračuna/Budžeta Općine Vareš. Servisiranje duga – otplata kredita, vršit će se na temelju dinamički utvrđenog otplatnog plana.

Član 5.

Općinsko vijeće Vareš, na temelju ove Odluke, ovlašćuje Općinskog načelnika da zaključi Ugovor o kreditnom zaduženju.

Član 6.

S obzirom na to da se Ugovor o kreditnom zaduženju zaključuje na osnovu provedenog postupka javne nabavke nakon kojeg će se odabrati najpovoljniji ponuđač, obavezuje se Općinski načelnik da Informacijom o kreditnom zaduženju upozna Općinsko vijeće sa visinom kamatne stope i godišnjim troškovima kredita (budući da kamatne stope i godišnji troškovi kredita mogu biti manji od maksimalnih koje su navedene u članu 3. ove Odluke) .

Član 7.

Ova Odluka stupa na snagu narednog dana od dana donošenja.

**PREDSJEDAVAJUĆA
OPĆINSKOG VIJEĆA**

Mahira Brkić

OBRAZLOŽENJE

Pravni temelj za donošenje Odluke o davanju saglasnosti o kreditnom zaduženju Općine Vareš su odredbe člana 4. stav 3. i člana 7. stav 3. Zakona o dugu, zaduživanju u Federaciji Bosne i Hercegovine ("Službene novine Federacije BiH", br.86/07, 24/09, 45/10 i 30/16.), člana 13. Zakona o principima lokalne samouprave u Federaciji Bosne i Hercegovine", broj 49/06 i 51/09) i člana 22. stav 8 Statuta općine Vareš - prečišćeni tekst broj 01-162/12. od 11.09.2012.godine.

Radi osiguranja trajnog i kvalitetnijeg obavljanja rada Jedinog organa uprave Općine Vareš primorani smo na uzimanje dugoročnog kredita za izmirenje zaostalih obaveza za plaće zaposlenicima Općine Vareš, zaposlenicima JU Centar za socijalni rad Vareš, zaposlenicima JPU Dječije obdanište Vareš i zaposlenicima JU Centar za kulturu i edukaciju Vareš, kao i za izmirenje dijela duga Općine Vareš za neisplaćene naknade za vijećničke paušale prema vijećnicima Općinskog vijeća.

Naime, radi se o neizmirenim obavezama koje su nastale u 2020. godini, u vrijeme pandemije COVID - 19 kada se Općina Vareš našla u teškoj finansijskoj situaciji jer su, zbog zatvaranja privrede i znatnog usporavanja privrednih aktivnosti, Općinski prihodi u pojedinim mjesecima smanjeni čak i na 40% od plana za 2020. godinu. Općinski načelnik, uz konsultacije i pozitivno mišljenje Službe za privredu, finansije i trezor kao i pozitivno mišljenje Sindikalne organizacije Općine Vareš, smatra da je kreditno zaduženje najadekvatnije i najbolje rješenje navedenog iz najmanje dva razloga:

- kreditno zaduženje je jedini način za cjelovito i jednokratno izmirivanje gore pomenutih zaostalih obaveza,
- Budžet/Proračun Općine neće biti previše opterećen mjesečnim anuitetima koji bi doveli do nesmetanog obavljanja poslova, funkcija i programa Općine Vareš (budući da će se mjesečni anuiteti kretati u intervalu od 11.000,00 KM pa do maksimalnih 11.469,40 KM, u zavisnosti od visine kamatne stope nakon provedenog postupka javne nabavke i odabira najpovoljnijeg ponuđača).

Slijedom navedenog predlažem Općinskom vijeću Općine Vareš da donese Odluku kako bi smo pokrenuli zakonsku proceduru za realizaciju ove Odluke o kreditnom zaduženju.

DOSTAVLJENO:

1 x Stručna služba Općinskog vijeća

1 x a/a

PREDLAGAČ
OPĆINSKI NAČELNIK
Zdravko Marošević